



**Les Fleurs Des Vies Des Saints Et Des Festes De Toute
L'Annee, Suivant L'Usage Du Calendrier Romain Reforme**

Augmentees des Saints & Bien-heureux Peres Iesuites, de Saint Charles
Borromeo, & de Sainte Françoise ; Avec le Martyrologe Romain, pour
tous les iours de l'Annee ...

Ribadeneyra, Pedro de

Paris, 1631

XVIII De la Chaire saint Pierre à Rome.

[urn:nbn:de:hbz:466:1-75749](https://nbn-resolving.org/urn:nbn:de:hbz:466:1-75749)

17. duquel est rendu tres-recommandable par plusieurs excellens miracles. A Rome au Monastere de saint André, se VAN fait la feste des saints Religieux Anthoine, Merule, & IER. Jean, lesquels furent du ducil de penitence appellez aux ioyes de la gloire eternelle.

DE LA CHAIRE SAINCT PIERRE
à Rome.

18.
I A N -
V I E R.



A sainte Eglise institua la feste de la Chaire saint Pierre à Rome pour celebrer ce riche iour auquel le Prince des Apostres Saint Pierre, apres auoir tenu sept ans son Siege Apostolique en Antioche, vint à Rome, & l'establit en ceste ville, qui estoit la Prince & capitale du monde: laquelle se conuertissant à la lumiere de l'Euangile par la Predication des Apostres, deuoit recognoistre ceste Chaire, & la respecter, & tous les fideles d'Orient en Occident, du Septentrion au Midy, comme brebis du troupeau de nostre Seigneur, deuoient obeyr aux legitimes successeurs de saint Pierre, comme au vray & vniuersel Pasteur de son Eglise. La sainte Eglise celebre aussi ce iourd'huy la singuliere faueur que nostre Seigneur Iesus-Christ fit à saint Pierre, & en luy à tout le monde, lors qu'esclairé non de la chair & du sang, ains de la lumiere du Pere eternel, il aduoia & recogneut Iesus-Christ pour estre son fils coeternel, & nostre Seigneur en faueur de cét homme & adueu luy dit: *Tu es pierre, & sur toy comme pierre fondamentale, ie bastiray mon Eglise, & tout le pouuoir de l'Enfer ne pourra preualoir contre elle, & ie te donneray les clefs du Royaume des Cieux, afin que tout ce que tu lieras en la terre soit lié au Ciel; & ce que tu deslieras en la terre soit deslié au Ciel.* Par lesquelles paroles nostre Seigneur Iesus-Christ le constitua son Vicaire en terre, & la pierre fondamentale de son Eglise, afin que quelque fidele que ce soit, qui comme vne pierre voudra estre incorporé en l'edifice de l'Eglise, sçache qu'il doit estre vny avec ceste premiere pierre, & avec la Foy & doctrine de l'Eglise Romaine, & que les successeurs de saint Pierre enseignent. Et tout ainsi qu'un membre pour auoir vie, doit estre vny avec son chef, & le rameau avec sa racine, & le ruisseau pour auoir de l'eau avec sa fontaine: De mesme tout fidele Chrestien Catholique doit estre vny & sujet à la Chaire saint Pierre, & de ses successeurs, lesquels apres Iesus-Christ sont le chef de tout le corps de l'Eglise, hors de laquelle on ne trouue point de vie, d'esprit & de grace dont seule est sustantée. Voyla le bien-fait que sous ce nom & feste de la Chaire saint Pierre à Rome, la sainte Eglise nous represente auourd'huy, & nous donne à entendre qu'elle a vn seul, vnique, souverain, vniuersel & perpetuel Pasteur, qui la regit & gouverne, comme Vicaire & Lieutenant de Iesus-Christ, lequel se voulant absenter de ce monde, & monter au Ciel, il le laissa en la terre pour estre chef visible, & gouverner exterieure-

ment avec la lumiere, influence & esprit que nostre Seigneur mesme luy communiquerait, comme chef inuisible qu'il est, principal Pasteur & Seigneur d'icelle. Il voulut que ce sien Pasteur & Vicaire fust seul, parce que tout ainsi que la Foy de l'Eglise est vne, de mesme il conuient que le Iuge des causes de la mesme Foy soit vn, à ce qu'il n'y ait point de des-vnion en elle, ny de diuersitez d'aduis: ny plus ny moins qu'en chaque famille bien ordonnée il y a vn chef & vn Pere de famille, & au troupeau vn Pasteur, & au nauire vn Patron, & en l'armée vn General, & au Royaume vn Roy: s'il y en auoit dauantage, ce ne seroit que confusion: de mesme en la sainte Eglise (que l'Escriture sainte surnomme famille, troupeau, nauire, armée, & Royaume de Dieu) qu'il n'y eust qu'un souverain Pere de famille, vn souverain Pasteur, vn Gouverneur, vn Capitaine general, & vn Monarque spirituel qui la gouvernast, & qu'au regime spirituel de l'Eglise, on n'y peust souhaitter ce que le Royaume temporel a d'excellent au sien, qui est que l'Eglise de Iesus-Christ ne fut point priuée de l'ordre de la Synagogue, qui auoit vn souverain Prestre: veu que la mesme Synagogue estoit figure d'Eglise, & ne seroit pas conuenable que la figure eust esté plus parfaite que la verité, & l'ombre que corps, ny la Hierarchie Ecclesiastique fust dissemblable à la celeste, en laquelle, ores qu'il y ait diuers Cheurs des Anges, tous en recognoissent vn, comme le plus excellent, qu'on estime communement estre saint Michel l'Archange: suiuant ce qui est en l'Apocalypse, qu'il y eut vne grande bataille au Ciel, & que S. Michel & ses aduersaires bataillèrent contre le dragon & ses adherans. Et en l'Office Ecclesiastique il est dit de saint Michel qu'il est le Pretour ou Prefet de Paradis, & Prince de la milice celeste. Que si en chaque Paroisse il y a vn Curé, & en chaque Eglise Cathedrale vn Euesque, & en chaque Prouince vn Metropolitan, & sur les Archeuesques il y a des Primats & Patriarches, il est plus que raisonnable que par dessus tous ces degrez & dignitez il y ait en l'Eglise vn Pape (qui est à dire le Pere de tous les Peres) lequel comuniquast à chacun la puissance d'ost il a besoin, pour le bien de ses brebis, & l'adressast & acheminast à leur bien & à leur salut, & qui comme Pasteur vniuersel veillast sur tout le troupeau de nostre Seigneur qui est estendu par tous les endroits du monde: & qu'il n'eust pas seulement soin de le repaistre par le moyen des autres Pasteurs inferieurs, mais aussi de r'appeller à soy les brebis esgarées & perduës: de faire des loups agneaux, & des Gentils Chrestiens: enuoyant de bons Predicateurs pour les esclaire de la lumiere du Saint Euangile, comme nous voyons qu'il a tousiours fait, & le Siege Apostolique le continué, duquel les autres Eglises ont esté plantées par le monde, ainsi que nous pouuons voir par les Histoires Ecclesiastiques, & Innocent premier du nom le dit. C'est pourquoy il estoit à propos que ce Pasteur vniuersel, non seulement fust vn, mais aussi perpetuel, & qui durast par succession legitime iusques à la fin

18. du siecle, atēdu que l'Eglise doit estre tousiours
perpetuelle, & auoir tousiours des brebis de Ie-
sus-Christ qu'il faut sustanter, & vn souverain Pa-
steur qui les garde: car la prouidence Diuine se-
roit fort manque & debile, si elle auoit fondé
l'Eglise, qui doit durer à iamais sur la vie d'vn ho-
me mortel & fragile: de sorte que quand nostre
Redempteur Iesus Christ dit à saint Pierre,
Je vous donneray les clefs du Royaume des Cieux, il ne
les promit à luy seul, ains à tous ses successeurs:
comme quand Dieu dit à Adam: *Tu es poudre, & tu
retourneras en poudre*. Il n'entendoit pas le dire
seulement pour la personne d'Adam qu'il estoit
poudre, & que par la mort il deuoit retourner en
poudre, mais en ceste maledictio il comprit tous
les enfans d'Adam: ou comme quand Dieu promit
à Abraham de luy donner la terre de Canaan
(*Je te donneray ceste terre*) cela s'entend qu'il la
donneroit à ses enfans & à toute la posterité: De
mesme nostre Seigneur Iesus Christ disant à S.
Pierre qu'il luy donneroit les clefs du Royaume
des Cieux, cela s'entend qu'il les donneroit à
Pierre & à tous ses successeurs: autrement la pro-
messe de Iesus Christ eust esté fort couuerte,
estroite & limitée, si (comme nous auons dit) elle
n'eust non plus duré que la vie de saint Pierre: &
nostre Seigneur n'auoit pas bien pourueu son E-
glise, s'il ne luy auoit donné vn chef perpetuel
& vn successeur de saint Pierre, qui la gouver-
nast iusqu'à la fin du monde. Ce qui estoit mes-
me plus necessaire depuis la mort de saint Pierre
que durant sa vie: car tandis que saint Pierre vi-
uoit il n'y auoit pas si grand nombre de fideles, &
l'Eglise n'estoit pas si estendue par toutes les na-
tions & Prouinces du monde: mais elle a esté depuis,
& les Chrestiens es commencemens (comme dit
l'Apostre) eurent les premices de l'esprit & beu-
uoient de la fontaine de la doctrine Apostolique,
& estoient plus parfaits & plus ardants en la
mour de Dieu, & comme brebis obeyssantes &
paisibles, cognoissoient la voix de leur Pasteur, &
le suiuoient, tenans la Loy escrite en leurs entrail-
les de maniere qu'ils n'auoient pas tant de besoin
d'vn Maistre exerieur qui la leur enseignast, ny
qui eust tant à veiller pour les defendre de plu-
sieurs sortes d'Heretiques qui se sont depuis ele-
uez comme des loups rauissans qui rodent au-
tour & l'infectent: ny pour les tenir à lerte, & gua-
rir la rongne des vices qui pullulent de tous co-
stez.

Ce Pasteur vniuersel & perpetuel, c'est l'Euef-
que de Rome, là où saint Pierre par disposition
Diuine establi sa Chaire, & y demeura l'espace
de 25 ans; & l'y establi pour luy & pour tous ses
successeurs à iamais. De sorte que comme les
Generaux de certaines Religions ne sont pas seu-
lement generaux & gouverneurs de tout l'Or-
dre, ains dauantage, sont Abbez ou Prieurs parti-
culiers de quelque Couuent: & celuy qui est Su-
perieur de ceste maisō, est aussi General de toute
la Religion, comme le Prieur de saint Barthele-
my de Lupiane en Espagne est General de l'Or-
dre saint Hierosme; & l'Abbē de saint Benoist
de Vailladoly General del'Ordre saint Benoist,

& le Prieur de la grad Chartreuse de Grenoble,
est General des Chartreuses: de mesme l'Euef-
que de Rome est en outre Pasteur vniuersel de
toute l'Eglise. Car nostre Seigneur voulut mon-
strer sa puissance infinie, subiugant par la main
d'vn pauvre pescheur ceste ville, qui estoit mai-
stresse & victorieuse du monde, suiuant la Pro-
phetie d'Isaye, & mesme de la Sybille Erythree,
parlant des Disciples de Iesus Christ. *Il choisira
dix pescheurs, entre lesquels il y aura vn Diable (ce
fut Iudas) & sans armes ny espees domprea la ville
de Rome, & les Roys avec l'harneçon du pescheur*. Il vou-
lut honorer & exalter ceste ville par dessus tou-
tes celles du monde, & mettre la Monarchie spi-
rituelle, où il auoit auparauant assis la Monarchie
temporelle, afin qu'elles s'entr'aydassent, & se
donnassent les mains l'vn à l'autre; la temporelle
seruant à la spirituelle, l'inférieure à la superieu-
re, & qu'estant au milieu de l'Orient & de l'Occi-
dent elle peut embrasser & gouverner plus faci-
lement toutes les Prouinces du monde. Nostre
Seigneur donna aussi les clefs du Ciel à saint
Pierre, à scauoir la clef de la science, & la clef de
la puissance, parce que l'vne & l'autre estoient
necessaires pour le bon regime & gouuernement
de l'Eglise: la science pour nous enseigner & il-
luminer; la puissance pour nous gouverner &
chastier. Et en l'vn & en l'autre il luy donna en-
tierement tout ce qui luy estoit necessaire pour
acheminer les ames à Dieu, & comme dit l'Apo-
stre *pour l'edification, non pas pour la destruction de l'E-
glise*. Il leur donna la puissance d'assembler & ce-
lebrer les Conciles, & d'y presider, d'en confir-
mer les Decrets & definitiois, d'instituer de nou-
ueaux Ordres, d'approuver leurs Constitutions,
& les proposer à toute l'Eglise, comme des che-
mins assurez pour paruenir à la vie eternelle. Il
leur donna pouuoir d'examiner les vies, miracles,
& merites des Saints, les declarer tels, & les ca-
noniser pour les rendre plus venerables à toute
l'Eglise. Il leur donna pouuoir de faire des loix
qui obligent tous les fideles, d'impetrier les diui-
nes, & dispenser les humaines, & de tout le Droit
positif. Il leur donna puissance de consacrer les
Euesques, instituer les Eglises, les vnir, diuiser,
transferer, dilater, & retrancher, comme il sera
plus contenable au bien des fideles. Il luy don-
na puissance sur tous les autres Euesques & Pa-
steurs, sur tous les Rois & Princes Chrestiens du
monde, parce qu'ils sont de ces brebis, & entant
que Chrestiens, luy doiuent obeyr en ce qui cō-
cerne le salut de leurs ames, & celuy de leurs su-
jects. Car tout le bon gouuernement temporel
des Roys se doit acheminer, comme à sa vraye
fin, au bien spirituel des ames, & la felicite tem-
porelle à l'eternelle. Il leur donna pouuoir de di-
tribuer les thresors de l'Eglise, de conceder des
Indulgences, Jubilez, & pardonner les pechez, &
tout ce qui en depend, qui est le plus grand bien
de tous les biens, & vn tres singulier bien fait de
Dieu. A l'occasion de ceste si grande & diuine
puissance que nostre Seigneur donna à saint
Pierre; l'Euesque de Rome successeur de saint
Pierre est appellé Pape, Pere de tous les Peres,

18.
I. AN.
VIER.

Pontife des Chrestiens, louuerain Prestre & Prince de Prestres, Vicair de Iesus-Christ, Chef du corps de l'Eglise, Fondement de l'edifice Ecclesiastique, Pasteur du troupeau de nostre Seigneur, Pere & Docteur, de tous les fideles, Gouverneur de la maison de Dieu, Garde de savigne, Espoux de l'Eglise, Prelat du Siege Apostolique, Euesque vniuersel. Ce sont les noms que les Saints Conciles & Docteurs de l'Eglise donnent à celuy qui est assis en la Chaire sainte Pierre: laquelle est la Chaire de verité, mere de toutes les sacrées Religions, maistrresse de toutes les Eglises, Iuge infallible de la Foy, Regle certaine des bonnes mœurs, lumiere du Ciel, interprete de la diuine volonté, conciliation de l'Ecriture sainte, pierre-touche des liures sacrez, honneur & ornement des Saints, consolation des iustes, la terreur des mechans, la guide des Catholiques, la ruine & le fleau des heretiques, le refuge des affligez: à laquelle comme vn port assuré, ont abordé tous les Saints Prelats qui ont esté in iustement persecutez, comme Cecilien, Athanasie, Chrysostome, Theodoret, & les autres. C'est ce bien fait que celebre auioird'huy l'Eglise Catholique en ceste feste de la Chaire de S. Pierre, auquel sont comprises plusieurs autres grandes faueurs pour chacun de ses enfans: c'est ce grand & incomparable benefice qu'elle nous veut représenter, & nous exciter à en rendre graces à nostre Seigneur, comme dit saint Gregoire Pape en son Missel, ou liure des Sacremens tres-ancien, qui se garde auioird'huy en la Librairie Vaticane, par ces paroles: *Vrayement, Seigneur, c'est chose iuste & digne de vous louer, de quoy vous estes tant admirable en vos Saints, esquels vous estes merueilleusement glorifié, & par lesquels vous ornerez le corps de vostre Fils unique, asseyant en eux le fondement de vostre Eglise, laquelle vous avez nettoyé es Prophetes, fondée es Apostres, entre lesquels vous choisistes le bien-heureux saint Pierre, & a cause de la confession qu'il fit de vostre Fils unique, luy changeant le nom, le merçant pour pierre fondamentale de vostre Eglise, vous le fistes Prelat & garde de vos Sacremens, luy donnastes pouuoir de faire garder au Ciel ce qu'il ordonneroit en la terre. A raison duquel honneur nous solemnisons auioird'huy ceste feste, & vous offrons sacrifices de grace & de louange par nostre Seigneur Iesus-Christ. On garde iusques à present à Rome, & se monstre le siege ou chaire de bois en laquelle on dit que le glorieux Apostre S. Pierre s'asseoit, & Dieu fait par elle plusieurs miracles. Ceste Feste de la Chaire Romaine se celebrait anciennement (comme nous auons dit) & depuis par succession de temps elle fut negligée, & presque mise en oubly, iusqu'à ce que le Pape Paul IV. la restablit, & commanda qu'on la celebrast par toute l'Eglise Catholique 1557. 3. de son Pontificat: afin que toute l'Eglise rendit graces à Dieu d'un bien si signalé, qui est commun à tous. Saint Pierre entra à Rome, selon Eusebe & saint Hierosme, l'an de nostre Seigneur 44. & au 2. de l'Empereur Claudius, le 18. de Ianuier, auquel se celebre la Feste de sa Chaire.*

LA VIE DE SAINCTE PRISQUE, Vierge & Martyre.



LAVDE II. du nom, ayant succédé en l'Empire à Galie, eut plusieurs guerres contre les Goths & autres nations estrangeres, desquels il'emporta de tres-signalées victoires, car il desfit 300000. Barbares, print vingt mille nauires, & retourna à Rome glorieux & triomphant: où l'on luy rapporta, que parce qu'on auoit laissé quelques années les Chrestiens en patience sans leur rien faire, nostre Religion s'estoit beaucoup augmentée & esclairee. Luy qui estoit Payen, voulant remercier les faux Dieux de ses victoires, recōmença à poursuivre cruellement les Chrestiens, cōme les capitaux ennemis de ses Dieux, & de son Empire; à ceste occasion plusieurs Saints Martyrs espendirēt leur sang à Rome pour Iesus-Christ, qui les couronna au Ciel, entre autres vne fille aagée de 13. ans nommée Prisque, natieue d'une des bones maisons de Rome, laquelle fut prise par les ministres de la Iustice, & présentée deuant l'Empereur: lequel la voyant si ieune, creut qu'il seroit ayse de la faire changer, & pour cēt effect, la fist conduire au temple d'Apollon pour l'adorer, & luy sacrifier. La sainte Vierge ne voulut aucunement obeyr au commandement de l'Empereur, pour garder celuy de Dieu, disant qu'il n'y auoit que Iesus-Christ vray Dieu, que les Chrestiens adoroient: & que les Dieux des Payens n'estoient que les diables qui les pipoient. L'Empereur fist souffleter sa face pudique, qui en demeura toute noire & laide aux yeux du monde: mais Dieu la trouua d'autant plus belle & reluisante. Ils la mirent en la prison des malfauteurs, où les vns par flatterie, les autres par espouuent es taschoier de la reduire à leur mauuaise intention, mais elle demeura tousiours ferme & constante, sans se laisser vaincre d'une façon ny d'autre. Ils la fouetterent cruellement, puis flamberent des gouttes de lard, & de gresse bruslante sur sa peau tres-delicate, & la remenerent dans la prison. Au bout de trois iours on l'exposa deuant tout le peuple dans l'amphitheatre (qui estoit vn lieu pour leurs festes & spectacles) où soudain fut destaché vn lion affamé pour la venir deuorer & engloutir: mais oubliant sa fierté naturelle, il se ietta aux pieds de la Vierge comme vn moutō, les leschāt & flattant. Les Gentils demurerent fort estonnez & confus de ce nouveau spectacle, & les Chrestiens tous consolez & encouragez. Mais cela ne fut pas suffisant pour adoucir le tyrā, plus fier que les bestes farouches, il commanda aussi tost qu'on la tetrast en vne infame prison, qui estoit celle des esclaves, & qu'on l'y laissast trois iours sans manger, au bout desquels on la tira dehors, luy destirant & disloquant tous les membres avec des tourmens exquis. Ils l'estendirent sur le cheualet, luy faisant de grandes rayes de la